

Nuuk, 4. marts 2015

Inatsisartut suleriaasiat § 37 malillugu, immikkoortoq 1 naapertorlugu matumuuna Naalackersuisunut apeqqut imaattoq saqqummiuppara:

Naalackersuisunut apeqqutit:

- 1. Oqaluttuarisaanermi kingumut qiviarutta nunarput annertusiartuinnartumik ilisimatusarfiullunilu qaammaasanik annertuupilussuarmik katersuiffiuvoq. Ukiut tamaasa ilisimatusariat amerlasoorpassuit, ilaat timmisartut arlallit assartuisuliullugit tikittarput aningaasarpassuit atorlugit ilisimatusarlutik.**

Qanoq Naalackersuisut tassunga tigussaasumik iliuseqarnissaminnik politikkeqarpat?

(Inatsisartunut Ilaasortaq Per Rosing-Petersen, Partii Naleraq)

Tungavilersuut:

Annertusiartuinnartumik nunarput sualummik silaannaap kissatsikkiartorneranut atatillugu qitiulluinnartumik ilisimatusartorpassuarnut pingaaruteqarluinnartutut inissisimavoq.

Assersuusiulaarlanga: Nuna sanilerput Islandi, ukiuni untrilikkaani avinngarusimasutut inissisimanini pissutigalugu, inuttut sananeqaatitsinnik “akuugaavallaanngittutut” immikkut soqutiginaateqartutut ilisimatusarfigineqarnikuuvoq. Taakkuli immikkut malussarniarlutik inuiattut piunasaqarnerup kingunerisaanik ilisumatusakkat, asuli maanitut annissuunnarnagit, Islandimili katersorlugit ilisimatusaatigisarneratigut nunat sananeqaatitsinnik ilisimatusarnermi siuarsimanerpaat ilagilernikuuaat.

Killormut maani ilisimalikkat qaammaasallu allaanngilaq upernaakkut sermeq apullu aalillaraangata kuussuit supillutik kuulerneratulli uagutsinnut iluaqutaanngittumik aniatippagut, sutigut tamatigut ajorsartutut inissilluta.

Pissaaneqarfiit agguataarnerani nutaajunerusumi aamma ilisimasaqarneq/qaammaasaqarneq pissaaneqarfiit pingaaruteqarluinnartut ilagilernikuugaat, uagut maani killormut iliuseqartuanagerput unitsittariaqarpoq. Ilisimalikkat maani inerinneqartariaqarput, nunattalu ilisimatusarnerup silarsuaani inissisimamera iluarsillugu.

Sukumiisumik misissunngikkaluarlugu naatsorsoraanni missigiunneqarsinnaavoq avataaniit ilisimatusariat miliartip tungaanut ilisimatusarnermut nunatsinni atorineqartartut,

taamaattumik annikittuunngilaq maani ilisimatusarneq, uagullu pissaaneqarfittut iluaqutinngortillugu iliuuseqarfigisariaqagarput.

Apeqquq Partii Naleqqamiit Naalakkersuisunut saqqummiupparput, aammalu ullut suliffiit qulit qaangiutinnginnerani akineqarnissara kissaatigaara.